



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400;
fax. +387 33 726 423;
e – mail: info@voda.ba .

Broj: **20-654-13/24**
Datum: 21.8.2024. godine

Na osnovu člana 70. stav (4) i (6) i člana 68. stav (1) Zakona o javnim nabavkama ("Službeni glasnik BiH", broj 39/14, 59/22, 50/24) i preporuke Komisije za provođenje postupka javne nabavke usluga „Ihtiološka istraživanja sliva rijeke Save u Federaciji BiH u 2024. godini“ putem otvorenog postupka, donosim

ODLUKU
o poništenju Odluke o izboru najpovoljnijeg ponuđača i poništenju postupka za javnu nabavku usluga „Ihtiološka istraživanja sliva rijeke Save u Federaciji BiH u 2024. godini“

Član 1.

Poništava se Odluka o izboru najpovoljnijeg ponuđača za javnu nabavku usluga „**Ihtiološka istraživanja sliva rijeke Save u Federaciji BiH u 2024. godini**“ broj 20-654-10/24 od 12.7.2024. godine iz razloga što najpovoljniji i jedini ponuđač PRIRODNO MATEMATIČKI FAKULTET SARAJEVO nije, nakon obavještenja, dostavio dokaz o kvalificiranosti iz tačke 5.3.2. tenderske dokumentacije, konkretno ponuđač nije dostavio Izvještaj Centralne banke BiH u roku od 5 (pet) dana od dana zaprimanja obavještenja o izboru najpovoljnijeg ponuđača.

Član 2.

Komisija je, shodno činjenici da je PRIRODNO MATEMATIČKI FAKULTET SARAJEVO jedini ponuđač u predmetnom postupku javne nabavke predložila da se ovaj postupak javne nabavke poništi.

Član 3.

Za izvršenje ove Odluke zadužuje se Sektor za ekonomske i pravne poslove Agencije za vodno područje rijeke Save, Sarajevo.

Član 4.

Ova odluka će se objaviti na web-stranici www.voda.ba, istovremeno s upućivanjem odluke ponuđaču koji je učestvovao u postupku javne nabavke, shodno članu 70. Stav (6) Zakona o javnim nabavkama.

Član 5.

Ova Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 20 – 654–3/24 od 10.6.2024. godine. Javna nabavka je provedena putem otvorenog postupka.

Procijenjena vrijednost nabavke bez PDV-a iznosi 128.000,00 KM (slovima: stodvadesetosamhiljada konvertibilnih maraka) bez PDV-a. Obavještenje o nabavci broj: 1132-1-2-20-3-38/24 je poslato na objavu i objavljeno na portalu javnih nabavki dana 2.06.2024. godine.

Na adresu Agencije je pristigla sljedeća ponuda:

R. broj	PONUĐAČ	Cijena na (javnom) otvaranju KM (bez PDV-a)
1.	PRIRODNO MATEMATIČKI FAKULTET SARAJEVO	128.000,00

Komisija za nabavku je imenovana Rješenjem broj: 20 – 654– 5/24 od 12.06.2024. godine. Komisija je blagovremeno i pravilno izvršila otvaranje i ocjenu pristigle ponude, o čemu je sačinila Zapisnik o otvaranju ponuda i Zapisnik o pregledu i ocjeni ponuda.

Odluka o izboru najpovoljnijeg ponuđača za javnu nabavku usluga „Ihtiološka istraživanja sliva rijeke Save u Federaciji BiH u 2024. godini“ je, dana 16.7.2024.godine putem e-maila, zajedno sa Zapisnikom o pregledu i ocjeni ponuda upućena ponuđaču PRIRODNO MATEMATIČKI FAKULTET SARAJEVO, pri čemu je izabrani ponuđač pozvan da u roku od 5 (pet) dana od dana primitka obavijesti dostavi dokaze o kvalificiranosti iz tačke 5.3.2. tenderske dokumentacije, što nije učinio. Naime, ponuđač nije dostavio Izvještaj Centralne banke BiH u roku od 5 (pet) dana od dana zaprimanja obavještenja o izboru najpovoljnijeg ponuđača. U skladu sa članom 68. st. (1) ZJN-a Agencija za vodno područje rijeke Save Sarajevo odbacuje ponudu ponuđača PRIRODNO MATEMATIČKI FAKULTET SARAJEVO.

Shodno činjenici da nema drugih ponuđača, a na osnovu člana 69. stav (2) tačka d) ZJN-a Ugovorni organ poništava ovaj postupak javne nabavke.

Na osnovu navedenog odlučeno je kao u dispozitivu.

PRAVNA POUKA:

Učesnik u postupku koji smatra da je ugovorni organ donošenjem ove Odluke prekršio jednu ili više odredbi Zakona o javnim nabavkama BiH ili podzakonskih akata može shodno članu 99. i članu 101. stav (1) tačka d) Zakona o javnim nabavkama BiH izjaviti žalbu ugovornom organu u roku od 10 (deset) dana od dana prijema Odluke o poništenju odluke o izboru najpovoljnijeg ponuđača i poništenju postupka. Žalba se izjavljuje URŽ-u putem ugovornog organa u najmanje 3 primjerka. Žalilac je obavezan platiti naknadu za pokretanje žalbenog postupka (član 108. stav (1) Zakona o javnim nabavkama BiH).

Dostaviti:

- Sektori 50 i 20;
- Ponuđaču;
- a/a.

v.d. DIREKTOR
Sejad Delić, dipl.inž.

